

Aruba su turismo ta creciendo grandemente!

Sinembargo ta solamente Otmar Oduber y partido AVP no ta mira nada positivo sosode den e sector aki

STA. CRUZ – Despues cu e lidercito yoron di AVP Mike Eman a tira serbete den ring y no kier papia nada mas tocante e proyecto di Downtown Development, cu ta e proyecto di embebecimento di Caya Grandi. Awor pa camufla su fracaso riba e asunto aki el'a dicidi di manda un di su marionetanan ciega, Otmar Oduber pa sigui trata di tira santo den wowo di pueblo. Den e ultimo dianan aki e pueblo por a experencia con Otmar Oduber ta papiando sumamente negativo riba e desaroyo di turismo di Aruba, ya cu su envidia contra Gabinete Oduber no conoce limite, despues cu su gobierno di AVP na 2001 a laga nos turismo na werki cu un crecimiento negativo di -4.1%, cu debenan di promocion di turismo di mas cu 10 milyon dollar y cu trahadornan den hotelnan tabata wordo manda cas sin pago. Ta visto caba cu e marioneta aki no kier mira nada positivo sosode den e pais Aruba. Den su ansha y desesperacion Otmar Oduber manera un alma malo tabata grita den e conferencia di prensa di AVP cu turismo ta bayendo malo na Aruba y locura completo a drenta su cabez ora cu el a cuminsa papia un hala di disparate tocante di turismo di Santo Domingo.

Sinembargo partido MEP cu hechonan concreto por comproba cu turismo di Aruba – despues di e caso lamentabel di N.H. – ta desaroyando positivamente. Pa duna algun ehempel:

Despues di un caida di turismo den e prome 10 lunanan di aña pasa, desde November 2006 nos pais a conoce solamente crecimentonan positivo y cu un record di crecimiento na Maart 2007 di 15.5 %!

Recientemente e prestigioso revista 'Dream World Cruise Destinations' a profila

Aruba como e destinacion nr. 1 pa turistanan crucero, segun un analisis conduci pa e compania 'Business Research and Economic Advisors';

Un cantidad grandi di companianan di avion e aña aki a cuminsa bula pa Aruba, pasobra e demanda ta creciendo drasticamente: Martinair, Jet Blue for di Boston, First Choice for di Inglaterra, Conviasa for di Caracas y Las Piedras, Condor for di Alemania, Aires etc.

Boutiquenan exclusivo dirigi particularmente riba e mercado turistico a habri nan porta e aña aki: Mont Blanc Boutique, Louis Vuitton, Chopard;

E aña aki a organiza diferente conferencia di turismo sumamente importante, manera Caribbean Market Place, CATA, ATCA y tambe Aruba a participa na e Miami Expo, Berlin y varios otro conferencia internacional mas;

Aeropuerto Internacional Reina Beatrix ta invertiendo grandemente den su

facilidadnan manera 'landscaping', 'parkinglot', liftnan etc. y p'asina acomoda e turistanan den mihor forma;

Fuera di esey, si turismo ta bayendo malo, e aña aki lo no a construi un terminal banda pazuid di Aeropuerto pa avionnan priva y comercial, esta Universal Aviation Center cu a costa mas cu 3 milyon florin;


Tambe a construi un terminal nobo pa crucero sumamente moderno na Oranjestad cu a costa mas cu 1 milyon florin; Hotelnan grandi manera RIU Palace cu a inverti 120 milyon dollar a habri su porta recientemente; Westin Resort ta bay inverti den su segundo fase un suma di 100 milyon dollar; Marriott Resort ta bay inverti 40 milyon dollar den 'upgrading'; expansion di The Mill Resorts (70 milyon dollar); Renovacion y ampliacion di Coconut Inn (33 milyon dollar); Divi Hotel ta sigui cu su inversion di 90 milyon dollar y asina tin mas hotel cu ta sigui inverti den nan facilidadnan;

Tur e desaroyo positivo aki

den turismo a conduci cu nos reserva di divisas a yega na un record desde entrada di Status Aparte: di 722.7 milyon florin na final di Mei 2007 cual ta 48.5 milyon mas halto cu den luna di Mei 2006.

di Aruba? Ta dje dom y ignorante ey bo ta cu bo no ta comprende e simpel logica aki?

Despues di e resumen aki di tur loke ta sosodiendo den e mundo di turismo, e pregunta clave ta, con mester cualifica



Pregunta di MEP na Otmar Oduber ta, si turismo di Aruba ta bayendo asina malo, kico ta tur e hotelnan luhoso, Aeropuerto, e boutiquenan exclusivo y e companianan di avion cu ta invertiendo cientos di miyones di florin den nan companianan na Aruba?

Of nan ta invertiendo solamente pa e cara bunita

e actitud negativo di Otmar Oduber relaciona cu nos turismo?

Ignorancia, Frustracion, Infantilismo, Mediocridad, Bobedad of anti-Arubianismo?

E foto ta e muestra di confianza cu tin den e desaroyo turistico!

